

Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

Cap. XII. De Appendicibus historiæ, quæ circa verba hominum
(quemadmodum historia ipsa circa facta) versantur: Partitio earum in
orationes, epistolas & apophthegmata.

urn:nbn:de:bvb:12-bsb10497643-5

(*Nosque ubi primus equus oriens afflavit anhelis,
Ilic serena bens accendit lumina vesper.*)

Idque ipsum magis per demonstrationes, quam per peregrinationes. Verum ut *Carina* aliqua parva, cœlum ipsum emularetur; atque universum globum terrestrem, magis etiam obliquo & flexuoso, quam cœlestia solent, itinere circumiverit, ea est nostri sæculi prærogativa: ita ut præsens ætas jure in Symbolo suo usurpare possit, non tantum illud *Plus ultra*, ubi Antiqui usurpabant *Non ultra*; atque insuper illud *Imitabile fulmen*, ubi Antiqui, *Non imitabile fulmen*:

Demens quis nimbus, & non imitabile fulmen;
verum & illud, quod omnem admirationem superat, *Imitabile Cœlum*; propter navigationes nostras, quibus circa universum terræ ambitum, cœlestium corporum more, volvi, & circumagi sepius cœlum fuit.

Atque hæc præclara, in re Nautica, atque Orbe perlustrando, felicitas, de ulterioribus etiam progressibus, & Augmentis Scientiarum, spem magnâ facere possit; præsertim cum diuino videatur Consilio esse decretum, ut hæc duo coëvasint: Sic enim Daniel Propheta, de novissimis temporibus verba faciens, prædictit, *Plurimi peccabunt, & augebitur scientia*; quasi peccabunt, sive perlustratio mundi, atque multiplex Augmentum Scientiarum, eadem seculo destinarentur: Sicut magna ex parte jam cōpletum videmus; Quandoquidem tempora nostra, duabus illis prioribus doctrinarum periodis, aut revolutiōnibus, (alteri apud Græcos, alteri apud Romanos) eruditione non multum cedant, eas vero in aliquibus longè superent.

CAP. XI

Partio historiæ Ecclesiastice, in Ecclesiasticam speciem, historiam ad Prophetias, & historiam Nemeos.

Historia Ecclesiastica in genere, easdem ferè cū historia Civili partitiones subit. Suntem enim *Chronica Ecclesiastica*, sunt vita *Patrium*, sunt *Relationes de Synaxis*, & reliquis ad Ecclesiam spectantibus. Præoptio vero nomine, recte dividitur in *historiam Ecclesiasticam* (Generis nomine servato,) & *historiam ad Prophetias*, & *historiam Nemeos* sive *Providentie*. Prima, Ecclesia militantis tempora, & statum diversum memorat: sive illa fluctueret, ut *Arca* in *diluvio*: sive itineretur, ut *Arca* in *ereo*: sive constistat, ut *Arca* in *templo*; hoc est, *statum Ecclesia in persecutione, in motu, & in pace.* In hac parte, defectum aliquem non inventio, quin superfluit in illa complura potius quam defuit: Illud sc̄ne optarem, ut massæ tam prægrandi, virtus quoque & sinceritas narrationū responderent.

Secunda pars, quæ est *historia ad Prophetias*, ex duobus Relativis constat, *Prophetia ipsa*, & ejus *Adimpletione*. Quapropter tale esse debet hujus operis institutum, ut cum singulis ex scripturis Prophetis, eventuum veritas conjungatur; idque per omnes mundi ætates, tum ad confirmationem fiduci, tum ad instituendam disciplinam quandam, & peritiam, in interpretatione Prophetarum, quæ adhuc restant complenda. Attamen in hac re, admittenda est illa latitudo, quæ Divinis vaticinijs propria est & familiaris; ut adimpletiones eorum fiant, & continenter, & punctualiter: Referunt enim

Auctoris sui naturam, cui unus dies tanquam mille anni, & mille anni tanquam unus dies: atque licet plenitudo, & fastigium complementi eorum, plerunq; alicui certæ ætati, vel etiam certo momento destinetur; attamen habent in tertium gradus nonnullos: & scalas complementi, per diversas mundi ætates. Hoc opus desiderari statuo, verum tale est, ut magna cum sapientia, sobrietate, & reverentia tractandum sit, omnino dimittendum.

Tertia Pars, quæ *Historia Nemeos* est, sanè in calamos nonnullorum priorum virorum incidit, sed non sine partium studio; occupata est autem in observanda divina illa convenientia, quæ nonnumquam intercedit, inter Dei voluntatem Revelaram, & Secretam. Quamvis enim tam obscura sint *Consilia & Judicia Dei*, ut homini animali sint penitus incurtabilia, quin etiam sapientius eorum oculis, qui proficiunt ē tabernaculo, se subducant; Divinæ tamen Sapientia visum, aliquando per vices, ad suorum confirmationem, & confusionem eorum, qui tanquam sine Deo sunt in mundo, ea quasi majoribus characteribus descripta, sic proponere conspicienda, uti (sic ut loquitur Propheta) *qui vis eram in cursu ea perlegere posse*: hoc est, ut homines merè sensuales & voluptarii, qui *Judicia illa divina prætervehi* fellināt, neque cogitationes suas in ea unquam defigunt, tamen, quamvis propere currant, & aliud agant, ipsa agnoscere cogantur. Talia sunt vindictæ sera & inopinae, salutes subito affulgentes, & insperatae; consilia divina per ambages rerum tortuosas, & stupendas spiras, tandem se manifesto expedientia; & similia; quæ valent, non solum ad consolandas animos fidelium, sed ad percellendas & convincendas conscientias improborum.

CAP. XII

De Appendicibus historiæ: quæ circa Verba hominum (quemadmodum historia ipsa circuata) versantur: Partio eorum in epistolas & apophthegmata.

At non factorum solummodo humani generis, verum etiam *discorum* memoria servari debet. Neque tamen dubium, quin dicta illa quandoque *historia ipsi inseruntur*, quatenus ad res gestas perspicue & graviter narrandas faciant, & delerviant. Sed dicta sive verba Humanæ propriæ custodiunt *Libri Orationum, Epistolarum, & Apophthegmatum*. Atque *Orationes* lani virorum prudentium, de negotiis & causis gravibus & arduis habite, tum ad rerum ipsarum notitiam, tum ad eloquentiam multum valent. Sed majora adhuc præstantur auxilia ad instruendam prudentiam civilem ab *Epistolis*, quæ à viris magnis de negotiis seritis missæ sunt. Etenim ex verbis hominum, nil sanius aut præstantius, quam hujusmodi *Epistole*. Habent enim plus nativis sensus, quam *Orationes*; plus etiam maturitatis, quam colloquia subita. Eodem quando continuantur secundum seriem temporum, (ut sit in illis quæ à Legatis, Praefectis Provinciarum, & aliis Imperii Ministris, ad Reges, vel Senatus, vel alios Superiores suos mittuntur; aut vicissim ab Imperantibus ad ministros,) sunt certè ad *historiæ*, præ omnibus, pretiosissima supellex. Neque *Apophthegmata* ipsa ad delectationem & ornatum tantum prosunt, sed ad res gerendas etiam, & usus civiles. Suntem enim (ut ajebat ille) veluti *Secures aut Mactones Verborum*, qui rerum & negotiorum nodos,

dos, acumine quodam secant, & penetrant: Occasionses autem redeunt in orbem, & quod olim erat commodum, rursus adhiberi, & prodesse potest; sive quis ea tanquam sua proferat, sive tanquam vetera. Neque certe de utilitate ejus rei ad civilia diabitari potest, quam Caesar Dictator opera sua honestavit; cuius Liber utinam extaret, cum ea, quæ usquam habentur in hoc genere, nobis parum cum delectu congesta videantur.

Arque hæc dicta sint de *Historia*, ea scilicet parte Doctrinæ, quæ responderet uni ex *Cellis*, sive *Domicilio Intellectus*, quæ est *Memoria*.

CAP. XIII.

De secundo Membro principali Doctrina, nempē Poësi. Partitio Poëeos in Narrativam, Dramaticam, & Parabolica. Exempla Paraboliz tria proponuntur.

Jam ad Poësin veniamus. Poësis est genus doctrinæ, verbis plerunque adstrictum, rebus solutum & licentiosum; Itaq; ut initio diximus, ad *Phantasiam* refertur, quæ iniqua, & illicita prorsus rerum conjugia & divortia comminisci, & machinari solet. Poësia autem (ut supra innuimus) duplaci accipitur sensu, quatenus ad *Verba*, vel quatenus ad *Res* respiciat. Priore sensu. *Sermonus* quidam *Character* est: *Carmen* enim styligenus, & elocutionis formula quædam, nec ad res pertinet: Nam & vera narratio carmine, & facta oratione soluta confribi potest. Posteriori vero sensu, constituimus eam, ab initio, *Doctrina Membranum Principale*, eamq; juxta *Historiam* collocavimus, cum nihil aliud sit, quam *Historia imitatio ad Placitum*. Nos igitur in partitionibus nostris, veras doctrinarum venas indagates, & persequentes; neq; consuetudini & divisionibus receptis (in multis) cedentes; *Satyras*, & *Elegias*, & *Epigrammata*, & *odas*; & hujusmodi; ab instituto sermone removemus; atque ad philosophiam & artes orationis rejicimus. Sub nomine autem *Poëeos*, de *Historia ad Placitum* confita, tantummodo tractamus.

Partitio Poëeos, verissima, atque maxima ex proprietate, præter illas *Divisionses*, quæ sunt ei cum *Historia* communes, (sunt enim facta *Chronica*, *Vita* filie, facta etiam *Relationes*) ea est, ut sit aut *Narrativa*; aut *Dramatica*; aut *Parabolica*. *Narrativa* prorsus *historiam* imitatur, ut ferè fallat, nisi quod res extollat sèpsum supra fidem. *Dramatica* est veluti *historia Spectabilis*; nam constituit imaginem rerum tanquam præsentium; *historia* autem tanquam præteriorum. *Parabolica* vero est *historia* cum typō quæ *Intellectualia* deducit ad sensum.

Atque de Poësi *Narrativa*, sive eam *Heroicam* appellare placet, modo hoc intelligas de *Materia*, non de *Verbu*, ea à fundamento prorsus nobis ex citata videtur, quod ad dignitatem humanae naturæ in primis spectat. Cum enim mundus sensibilis, sit anima rationali dignitate inferior, videtur Poësis hæc humanae naturæ largiri, quæ *Historia* dengat; atque animo umbris rerum ut cunque satisfacere, cum solidahaberi non possint. Si quis enim rem acutius introspiciat, firmum ex Poësi sumitur argumentum, magnitudinem rerum magis illustrē, ordinem magis perfectum, & varietatem magis pulchram, anima humanae complacere, quæ in natura ipsa, post lapsum, reperire ullo modo possit. Quapropter, cum res gestæ, & eventus, qui veræ historia subjiciantur, non sint ejus amplitu-

dinis, in qua anima humana sibi satisfaciat; præsto est Poësis, quæ facta magis *Heroica* configat: Cum *historia* vera successus rerum, minimè pro meritis Virtutum & Scelerum, narret, corrigit eam Poësis, & exitus, & fortunas, secundum meritum, & ex lege Nemesos, exhibet: Cum *historia* vera, obvia rerum satietate & similitudine, anima humanae fastidio sit; reficit eam Poësis, in expectata, & varia, & vicissitudinum plena canens. Adeo ut Poësis ista nō solum ad delectationē, sed etiam ad animi magnitudinem, & ad mores conferat. Quare & in merito etiam divinitatis cuiuspiam particeps videri possit; quia animum erigit, & in sublime rapit; rerū simulachra ad animi desideria accommodando, non animum rebus (quod ratio facit, & *historia*) subiungendo. Atq; his quidem illecebris, & congruitate, quia animum humanum demulcit, addito etiam consilio Mūsices, unde suavius insinuari possit, additum sibi patefecit, ut honori fuerit etiam sacerulis plane rudibus, & apud Nationes barbaras, cum aliæ Doctrinæ prorsus exclusæ essent.

Dramatica autem Poësi, quæ *Theatrum* habet pro mundo, nū eximia est, si lana foret. Non parva enim esse posset *Theatrum*, & *Disciplina*, & *Corruptela*: Atq; *Corruptelarum*, in hoc genere, abunde est; disciplina plane nostris temporibus est negligēta. Attamen licet in Rebus, modernis habeatur pro re ludicra actio theatalis, nisi forte nimium, trahat è *Satyras*, & mordet; tamen apud Antiquos curæ fuit, ut animos hominum ad virtutē instinet. Quinetiam *Viris* prudentibus, & magnis Philosophis, veluti animorum plectrum quoddam censebatur. Atq; sane verissimum est, & tanquam Secretum quoddam Naturæ, hominum animos, cum congregati sint, magis quam cum soli sint, affectibus & impressionibus patere.

At Poësi *Parabolica*, inter reliquias eminet, & tanquam res sacra videtur, & augusta; cum præstet Religio ipsa, ejus opera plerunque utatur, & per eam commercia Divinorum cum humanis exercet. Attamen & hæc quoque, *Ingeniorum* circa Allegorias levitate & indulgentia contaminata inventur. Est autem usus ambigui, atq; ad contraria adhibetur. Facit enim ad *Involucrum*; facit etiā ad *Illustrationem*. In hoc *Dosendi* quædam *Ratio*; in illo *Oculandi Artificium* quæri videtur. Hæc autem *Docendi Ratio*, quæ facit ad *Illustrationem*, antiquis sacerulis plurimum adhibebatur. Cum enim rationis humanae inventa, & conclusiones, (etiam ex qua nunc tritæ, & vulgata sunt) tunc temporis novæ & insuetæ essent, vix illam subtilitatem capiebant ingenia humana, nisi proprius ex ad sensum, per hujusmodi simulachra, & exempla, deducerentur. Quare omnia apud illos, fabularum omnigenarum, & *Patabolarum*, & *Ænigmatum*, & similitudinum, plena fuerunt. Hinc tessera Pythagoræ, *Ænigmata Sphingis*, *Ælopi Fabulae*, & similia. Quinetiam *Apophthegmata* veterū Sapientium ferè per similitudines rē demonstrabant. Hinc Menenius Agrippa apud Romanos (Gentei eo saeculo minimè literatam) seditionem fabula repressit. Deniq; ut *Hieroglyphica Literis*: ita *Parabola Argumentis* erant antiquiores. Arque hodie etiam & semper, eximiū est, & fuit, *Parabolatum* vigor, eum nec argumentata tam perspicua, nec vera exempla tam apta esse possint,

Alte